

CV DE WESPELLE


Brokkelse

't Breuzelblad

Twieëde joargank
jannuaar 2005



*cv de Wespelle
wunjst uuch
e good 2005
en veul
carnavalsplezeer*



Vuurwoad van d'r President

Betste Wespelle,



Vuur uch likt de twieëde oetgave van oz Breuzelblad.
Ut vuurwoad stjeet in ut kader van ut 50-joarig bestoa.
Noa 50 joar sind de Wespelle nog springleavend. En wenste vieftig
wits dan haste ing gow rede um get te viere. En tot noe tow hant vuur
dat och gedoa en zieker ut komend carnavalsseisoen zalle vuur
richting ut 5x11 in twieëdoezendnuege vul sjpas en plezeer kriege.

In ut kader van vieftig joar de Wespelle hant vuur d'r afgelope zoemer
ing sponsoractie georganiseerd en dees actie woar gericht op d'r
akoop van neuj kostuums. Mit d'r steun van veul luuj die d'r
carnavalsverein ee good hats tow drage is oz dat gelukt.

Op de zietsung mit prinseproclamatie presentere vuur oz da och mit
veul stolz in der neuje outfit. De luuj die oz gesteund hant wil ich van
dis plaatsj nogins hartelijk dank zage vuur hun beijdrage en cv de
Wespelle van hatse feliciteren mit dit succes en proficiat wunsche mit
d'r prachtige mijlpoal van: **Vieftig Joar**

Ich spreak d'r hoop oet dat d'r verein nog gans wat joare Brokkelze
durch d'r carnaval mag loodse. Maar umdat beij oz och ee bietje de
vergrieting towsleet hant vuur doavuur nog enkele goej lede nudig
die same mit oz de kaar in Brokkelze wille trekke. Meld dich aa, ee
dink weet ich zieker: an de kostuums zal ut zieker nit ligge.

Als letste rest mich uch allenuuj ing spetterende vastealovend te
wunsche in ut eenenvieftigste joar van de Wespelle. Bliet alleneuj
achter d'r Brokkelze carnaval stoa, dod actief mit da zal de
vasteloavend van ut seizoen twiedoezendvief inne fantastische weade.

Veul Plezeer en Dreimoal Alaaf op cv de Wespelle.

President Sjef Konings

Oet d'r optocht 2004



*Inne eenzame Romein is d'r
weeg kwiet*



Brokkelzer Geisha's



D'r Paul hat sjpas



*De skihut koam mar
tot an de Ling*

Programma prinseproclamatie 2005

20.10 oer	D'r Elveraad kunt op
20.12 oer	Eupening durch d'r President
20.15 oer	Dynamic Inside - <i>dansgroep</i>
20.30 oer	Wil Salden - <i>buut</i>
20.50 oer	Banda Bagunça - samba muziek
21.15 oer	Huub Janssen - <i>buut</i>
21.35 oer	Dynamic Inside - <i>dansgroep</i>
21.45 oer	Henk Beckers - <i>buut</i>
22.00 oer	Der Letstje Sjrai - <i>zang/parodie</i>
22.25 oer	Oad-Prinse - <i>sketch</i>
22.35 oer	Proclamatie prins
23.00 oer	Bonanza - <i>zang/parodie</i>
23.30 oer	Prinsedans



Orkest: WESLEY SOUND

Brokkelzer carnavalskalender 2005

8 jannuaar	Zitting cv de Wespelle mit Prinseproclamatie
15 jannuaar	Prinsereceptie in d'r Narrentempel van D'r Eck
22 jannuaar	Herrezietsung in D'r Eck
28 jannuaar	Carnaval in de kantien van de VV Rimburg.
30 jannuaar	Kingeroptocht en kingercarnaval in D'r Eck
5 fibbruaar	Sjleuteloverdracht Gemeente Landgraaf <i>Vanaaf 20.11 oer carnaval in Café Simons</i>
6 fibbruaar	Carnavalsoptocht; donoa Prinsebal
7 fibbruaar	OetriekeVergulde Wespel in D'r Eck <i>Vanaaf 20.11 oer carnaval in café Simons</i>
8 fibbruaar	Der Bacchus verbrenne, café Simons
9 fibbruaar	Hirringebiete in D'r Eck
10 fibbruaar	<i>Gelukkig werrum wirke!!!</i>



Prinsen cv de Wespelle

1956 Joseph I; J. Dohmen
 1957 Peter I; P. Janssen
 1958 Huub I; H. Hanssen
 1959 Sjeng I; S. Bastiaans
 1960 Sjef I; S. Huntjes
 1961 Joseph II; J. Kallen
 1962 Joseph III; J. Rutten
 1963 Chris I; C. Beckers
 1964 Jan I; J. Thoren
 1965 Huub II; H. Snijders
 1966 Nic I; N. Czerw
 1967 Joseph IV; J. Beismann
 1968 Juul I; J. Verreck
 1969 Geen prins, zaal afgekeurd
 1970 Peter I; P. Peters
 1971 Prinses Margriet; M. Beckers
 1972 geen prins, herstel zaal
 1973 Peter III; P. Beckers
 1974 Ton I; T. Peters
 1975 Peter IV; P. Bost
 1976 Harry I; H. Hanssen
 1977 Wim I; W. Eygelshoven
 1978 Peter V; P. Snijders
 1979 Hans I; H. Verreck
 1980 Sjef II; S. Janssen
 1981 Mario I; M. Dalu
 1982 Jan II; J. Dohmen
 1983 Huub III; H. Römkens
 1984 Toni I; T. Kaczmarek
 1985 Wijnand I; W. Gielkens
 1986 Karel I; K. Pöschkens
 1987 Jos I; J. Mennis



2004

1988 Richard I; R. Kremer
 1989 Wim II; W. van Diemen
 1990 Wim III; W. Kaczmarek
 1991 Rob I; R. Hanssen
 1992 Bert I; B. Hanssen
 1993 Mario II; M. Theissen
 1994 Pascal I; P. Beisman
 1995 Jeffrey I; J. Demas
 1996 Paul I; P. Rutten
 1997 Roger I; R. Schurer
 1998 Micha I; M. Lutgens
 1999 Gerhard I; G. Längin
 2000 Luciën I; L. Fröls
 2001 Marc I; M. van Ewijk
 2002 Sander I; S. Lutgens
 2003 Rinus I; R. Verhagen
 2004 Wim IV; W. Peelen
2005 ???

Carnavalszondig 6 fibbruaar Carnavalsoptocht in Brokkelze

Vertrek 14.11 oer
(Gremelsbrugge)



ut ganse dörp deet mit!!!



Ut interview

Ee nuj ongerdeel van oz blad is ut **Interview**. Jidder joar wille vuur geer inne persoon interviewen , uver van alles en nog wat. Dit joar, vuur de ierste kier, hant vuur oz gemeld bei d'r Jo Beismann. D'r Jo hat dea sjunne pries van de sponsorloterij gewonne.



Jo, wat vongste van de sponsoractie van cv de Wespelle?

Diz actie woar natuurlik schitterend, vuur als verein motte natuurlik al oz sponsore bedanke vuur hun beidrage, ohne deez luuj lepe vuur dit joar nit in nuj kostuums. En vuur mich en ut Tonie woar ut winne van dea schitterende pries dea doa aa verbonge is gans biezonger.

Doe howst al in ee vrug stadium lotnummer 100 besteld, how dat ing speciale rede?

Egelik waal, wie d'r president vriedigs vuur de carnaval van vurig joar mit ut idee koam um diz sponsorloterij op te zette, how ich hiel vul vertrouwe drin dat de Brokkeler luuj oz nit in der stiek zowwe lotte. En ich dacht dat vuur minstens 100 sponsorlote zowwe verkope en wool doarum perse op vuurhank nummer 100 han.

Nou dan haste ing gow naas gehad. Wat vongste van d'r pries?

Nou, d'r pries van de lote woar natuurlik nit goedkoop, mar ich bin mit d'r president noa de Linssen Yachts Boot Show gewea, um ee bietje voeling te kriege wat mich te wachte steet. En noen mot ich zieker constatere dat d'r pries van de lote in verhouding stong mit wat ich in september 2005 geboane krien. Op ing schitterende jacht mag ich ing weak lank vare en ich mag och nog veer angere luuj mitnumme. Dus kot en bondig kan ich zage de pries/kwaliteit verhouding is mieë dan oké.

Wenn ich ut good begriep gehste in september 2005. Numste nog inne mit?

Ja, ich han noen natuurlijk veul vrung beigeckriege, mar alle gekheed op ee stökske. Ozze crew zal bestoa oet Tonie van mich en d'r Günter

mit zieng echtgenote. Tevens han ich d'r president mit zieng echtgenote gevroagd mit te gao, dan han ich teminste inne kapitein en dan kan ich mich mit ut Tonie zieve dag op ut vuurdek legge en mich durch ut zonnige Frankriek lotte vare. Ich denk dat ut Tonie en ich dat waal verdeend hant.

Ich begriep och datste bei d'r sponsor van deez rees (Linssen Yachts) bis gewea. Wat waar diene indruk.

Op de bootshow han ich inne geweldige indruk gekriege van wat mich te wachte steet. Vuur hant d'r Paul v.d. Meijde liere kenne, dea oz in Frankriek wegwijs geet make uver alle ins en outs wat vare betreft, en och um de Franse cultuur ee bietje beter te liere kenne.

Wen ich ut good begriep haste d'r waal zin in, of nit?

Natuurlik, wat dachtste, doe wins ja och nit jiddere daag zoeng fantatische rees. Ich vreuj mich al op al dat lekkesj wat Frankriek te beije hat en och op dat lekkere gleeske Franse wien en dan zal ich zieker ins an uch alleneuj denke.

Mak ze vuur oz och ee reesverslag?

Ja dat zieker, maar dat deed ut Tonie, ich wil mich lekker oetruste en geniete.

Wilste nog get perseunliks aan oz kwiet?

Joa, ich wil gidderinne nogmaals bedanke vuur hunne sjteun en vuural de iets oudere onger oz die ozze sjunne verein gesteund hant. Ut hat zich geloend, de neuje kostuums sind d'r en doa a zieste mar werm wie inne klinge verein groet kan zie. Ich hoop dat vuur nog ganz wat joare cv de Wespelle blieve steune, op wat vuur maneer dan och. En vuur de luuj die nit gewonne hant zaan ich, pech gehad, maar bliet ut probere want ohne lötje kunste nit in Frankriek of doe most ut zelf betale, maar dat is nog veul duurder. Ich vreuj mich al op de volgende actie van cv de Wespelle.

Namens de redacsie: Bonne Vent, Salut



***Ridders in de Orde
van de
Vergulde Wespel***

2004

Marietje


Toussaint-van den Bercken



2003 Leo Hanssen
2002 Mr. Bert Janssen
2001 Joep Kaczmarek
2000 Arno Kaufholz
1999 Sjang Kremers
1998 Frans Jongen
1997 Trees Hanique-Janssen
1996 Aloys Mennis
1995 Joep Nievelstein
1994 Jozef Frankort
1993 Pierre Peters
1992 Piet Nickel
1991 Sjef Huntjens
1990 Jet Kruyten-Hanssen
1989 Wiel Snijders



1988 Joep Hanssen
1987 Mr. Hans Coenders
1986 Resie Beckers-Peters
1985 Peter Thoren
1984 Arnold Verreck
1983 Theo Eijgelshoven
1982 Alfons Kallen
1981 Wiel Beckers
1980 Paul Collon
1979 Wiel Schormans
1978 Johan Thoren
1977 Piet Peters
1976 Joep Erkens
1975 Jules Haagh



WIETSE, WIETSE, WIETSE



Zeet d'r Jo tegen der Günter,
“Wits doe ut verschil tussje d'r Hulk en dich?”
“Nee”.
“D'r Hulk kan noch normaal weade”.

Vergelieke:

Juffrouw vruugt an de kinger in de klas:
“Ut is broen en ut steet in de wei.”
Paul stikt der vinger op en zeet; “Inne ezel juffrouw.”
“Dat is erg goot Paul, mar ich bedoelde egelik ee pead.”
“Ut steet in de wei en git milk, wat is dat da?”, vruugt de juffrouw.
Paul stikt werrum de vinger omhoeg: “ing geet juffrouw.”
“Dat is och good Paul, mar ich bedoelde egelik ing kow.”
D'r Paul woed koad en vruugt:
“Juffrouw ut geet d'r druug en hel in, en kunt d'r gans zacht, naat en drüppelend oet, wat is dat da?”
De juffrouw woed vuurroed.
“Dat is och got Juffrouw,” zeet der Paul “mar ich bedoelde egelik, ee tieëzekkske.”

Carroussel:

Stond twie jeugdige an de carroussel te kiekke.
Kumt ing oma aa en vruugt an ut jungske: “Haste d'r al ins opgezeate?”
“Nee,” zeat ut jungske, “ich ken ut Lieske pas twieë daag.”

Wat kieste wenste schaamluus luts pare mit vuurvlege?
Antwoord: Inne lampionneoptocht in de ongerboks.

“Oh sorry meneer,” zeet Annie, “how ich mich toch bow op uuche bril gezat.”
“Nit erg” zeat d'r Paul, “dea hat al ergere dinger gezie.”

“Meester, meester” zeet d’r Henkie, “mienne pap kan tovere.
‘s, Oavunds geet hee mit d’r honk wandele en ‘s naats kunt hee mit
inne kater heem.”

D’r Sjef zit in ee restaurant en vruugt an d’r ober, “wat kant ier mich
abevele?”

“Ee good gebit” zeat d’r ober.
“Mag ich dan waal ing tas kaffe?”
“Mar zieker meneer: Sjwat?”
“Nee op de rekening geer.”



Zitte drei ouw menkes op de bank te filesofere uver wat de sjunste
maneer van doed goa is.

Zeat dea van 70 joar: “In inne racewage mit 240 km per uur.”
Dea van 75 joar zeat: “Ich wil alling in ee vliegtuig zitte boave d’r
oceaan en dan omleg storte.”
Ja zeat dea van 85: “Ich wil ut leefste kapot geschote weade durch
inne jaloerse echtgenote van ing knappe vrouw.”

Zit inne heer van boetelandse afkomst bei d’r Eck a gen tiek en zeet
tege d’r Ben: “Mij geeft een rondje”
“Dat zeeste verkied” mint d’r Ben, “dat heesj: Ík geef een rondje.”
“Mij ook goed” zeet dea boeteländer.

Vruugt ut Truus an de knappe buurvrouw: “Wilste nog kome zonne
boete op der hof?”
Buurvrouw: “Woarum dat dan?”
Truus: “Ja ut wead tied dat d’r keal va mich werrum ins ut gras af
deed.”

Mieng vrouw how vreuger sjwatte, en noen wie ze zoe gries is, roeë
hoare.

De pliesie hult d’r Jan aa en zeet, “de lampe van dienne auto sind
kapot, doe mos mar go lope.”
“Ja”zeet Jan “dat han ich och al gedoa mar toen donge de lampe ut
och al nit mie.”

“Wat zowste doe, wenstse in mieng sjoon stongs” vruugt d’r Karl an d’r Jo.

“Ins ing kier good poetse” zeet d’r Jo.

De moate van de ideale vrouw motte zie: 40-89-42.

40 = viertig miljoen op de bank

89 = leeftied

42 = grade koorts.

Woar of nit woar?

Had ier waal ins opgelet dat vrouwluuj hun sjtim loate zakke went ze get gedoa wille kriege en... dat ze waal twieë toene hoeger gont went ze get nit gedoa kriege.

Ing vrouw kan got ee geheim beware wenste d’r mar nit bei zes dat ut ee geheim is...

Te Koop: Complete Winkler Prins Encyclopedie, nooit gebroekt,
Mieng vrouw wit ummer alles beter.

Lope Adam en Eva in ut paradies.

Opins zeat Adam tege Eva, “hulste nog ummer van mich?”

“Joa” zeat Eva, “van wem angesj.”

Went inne man mit zieng vrouw noa d’r parekloep geet,
is dat utzelfde als wenste mit ing krat beer noa D’r Eck gees.

***Went uur mit de carnaval mot vare,
loat dan der drank stoa,***

***Went uur die daag mot drinke
lot dan d’r auto stoa.***



Carnavalsmondig te gast *Jan Geraedts Buuttekampioen 2003*



Jan Geraedts oet Asenroay-Roermung vingt dat ut hoegtepunt vuur inne buuttereedner ut behoale van ing finaleplaats in ut Limburgs Buuttekampioenschap is. En och zelf is hea trots als inne pauw dat hea op d'r tiende jannuaar 2003 hat mit magge doeë als Hulp-Sinterkloas, in ing creatie die nog nooit ierderinne hat bedacht.

Vuuraf hoopte hea dat al de toeschouwere mit pieng in d'r boek noa heem zowwe goa. Noen ging hem dat al lukke, want d'r Jan isinne buuttereedner, dea al in 1996 (als

stroatemaker) en in 2000 (als daakdekker) buuttekampioen woar. Allebei hat he dizze creaties al gebracht bei oz op d'r mondigmörge. Och mit de buut van Hulp-Sinterkloas hat hea de lachers op zieng hank gekriege en kreeg hea in de stampvolle Rodahal in Kirkroa de meeste punte en woet hea kampioen 2003.

Inne waardige opvolger van d'r Hub Stassen van ut joar doavuur. D'r kampioen 2003 hat altied ing groeëte bewondering gehat vuur d'r Pierre Knoops. Hea zelf mint dan och terecht te zage: "Es se good noa mich loesters, merk se de raakvlakke op en toch höb ich in 15 joar tied eine gans eige stjiel ontwikkeld". Uver inne veerde titel wilt d'r Jan noch nit proate.

Durch de overwinning van 2003 woar hea zoewiezoe in 2004 oetgeslote va deelname en ist der Gilbert Petit mit de ier goa strieke. En dea hat wie der allenuuj nog waal kant herrinnere, d'r Jan vurig joar op carnavalsmondig op ing sublieme maneer vervange.

Vier als Wespelle sind enorm bleij, dat d'r Jan Geraedts dit joar (vurig joar woar hea krank) vuur de dreide kier op d'r mondigmörge bei de oetriekening van de Vergulde Wespel present ist.


Vuur vreuje oz dat vuur uuch d'r Jan werrum kenne presentere, dus zit vrug in d'r zaal, want ronk hoaf twelf kunt hea bei oz op bezuk:

D'R SINTERKLOAS

WIETSE, WIETSE, WIETSE

Wit ier:

Dat de Wespelle in 2004 viefzig joar bestonge.
Dat ut carnavalsseisoen dit joar erg kot is.
Dat op de zietsung werrum alleneuj topartiesten optrene.
Dat vuur op zuk sind noa extra lede.
Dat d'r Sjef Huntjes dit joar al viertig joar lid is.
Dat vuur dit joar werrum inne sjunne prinsewaan hant.
Dat vuur dit joar geweldig drop sjtond in oz nuj pakker.
Dat vuur 14 elveroadslede hant.
Dat d'r penningsmeester 14 kilo is aafgevalle.
Dat d'r twiede secretaris 16 kilo is aafgevalle.
Dat d'r president och got op weg is en hea al twie kilo kwiet is.
Dat d'r Jo Beismann d'r sjunne pries van de sponsorloterij gewonne hat. Dat dat ging durchgestoake kaat woar maar puur toeval.
Dat hea noen an ut studere is vuur ut vaarbewies.
Dat ut Tonie dat bewies waal hat.
Dat vuur och nog nuj mutsje motte han.
Dat vuur noen doavuur dont spare.
Dat vuur mit nuj mutsje oz 5x11 wille viere.
Dat woa d'r twie trowwe, och twie doa aa sjoot sint.
Dat d'r Sjef wie hea kling woar in d'r Sinterkloas geleufde.
Dat d'r Sjef wie hea wat groeter woar do nit mie in geleufde.
Dat hea noen wie hea kinger hat zelf Sinterkloas is.
Dat wenste ging sjoon aa has, dig doa nieks i kans loate schuve.
Dat inne gowwe buur 't hoave werk is.
Dat inne gans gowwe buur dich der gaad deed.
Dat went ut regent in mei d'r april al vuurbeij is.
Dat went ut sjneijt in november, de Krismis in december is.
Dat contact och meugelik is zonger contactdoes.
Dat vuur mit de hulp va giderinne ing sjun carnaval kriege.
Dat op 30 jannuaar kingercarnaval is.
Dat de ouwesj dan wer an teak sjtond te breuzele.
Dat wenste tekst has vuur ut breuzelblad, dem volgend joar mags alievere. Dat vuur op dizze maneer nog lang durg kenne goa.
Dat vuur noe dont sjtoppe mit dis beidrage.



BEDANKT

Beij de Sponsorloterij vuur oz nuj kostuums hant vuur d'r nudige sjteun en mitwirking ongervonge van gans get luuj die oz ee werm hats tow drage.

Mar speciaal wille vuur toch dank zage an de *Stichting Festival Des Arts* oet Brokkelse, die mit ee deel van de opbrengst van ut Festival 2004 oz twieë complete nuj kostuums geschonke hant.

Ing klasseactie van de luuj die jidder joar ut fantastische kunstfestival in Rimburg organisere - e festvial dat zieng weerga nit kent - en die komend joar op 3 juli alwerrum vuur de achtste kier inne aanzet dont om al die angere joare te uvertreffe.

Al zieve joar lank geet ee deel van de opbrengt noa de verenigingen in gen dörp en dit joar woar speciaal vuur cv de Wespelle wat extra's gereserveerd.

Ee welgemeend dankjewel is van heij oet dan zieker op zieng plaats. En in dit dankjewel, wille vuur zieker nit vergeate *Linssen Yachts oet Maasbracht* die cv de Wespelle gratis dizze geweldige pries ter beschikking stelde, dea noa later bleek durch oz lid Jo Beismann gewonne woet.

Bedankt alleneuj namens Elveroad en leden van cv de Wespelle.

NOG MIEË WIETSE

Doe hoofst nit an inne boom te hange um inne eikel te zie!

De dokters hant noen och ing pil vuur de man oetgevonge.

Die pil mosste waal vlot durchslikke, anges kieste inne stieve nak.

Wie heet de vrouw van inne bosjesman?
Takkewief!

Doktor, ich dink de ganze tied dat ich inne honk bin!
Dan gank mar ins op de bank ligge.
Ich mag nit op de bank ligge!



Ich bin gistere mit mieng vrouw noa inne antiekmaat gewea!
Zeat d'r inne vrunk tege d'r angere.
En biste ze kwiet woede vruugt d'r angere?

Ing stewardes in ee vliegtuig noa Rhodos
beugt zich vuuruver noa d'r Günter en vruugt,
wilt uur kaffe of tieë?
“Is got” zeat der Günter. “In welke zit d'r
kaffe en in welke d'r tieë?”



VERLOF:

D'r Jo Beismann geet noa zienne baas mit de volgende vroag.
Kan ich volgende weak inne daag verlof han?
D'r baas kiekt um ins aa en zeat: Dus doe wils inne daag verlof?
Besefst doe egelik waal watstse an mich vruugs?
Ee jaor hat 365 daag worop gewirkte kan weade.
Doa sind 52 weekenden woarop ste al vreij has, dus dan blieve nog
261 daag uver um te wirke.
Per daag wirkste 16 oer nit, wat geliek steet aan 170 dag, zoe blieve
nog 91 daag uver um te wirke.
Jiddere daag deeste 30 minute koffie lurke, dat is per jaor 23 daag,
zoedat der nog 68 daag uver blieve um te wirke.
Jiddere daag haste 1 stond pauze, wat geliek steet an 46 daag, zoedat
nog 22 daag uverblieve um te wirke.
Normaal biste 2 daag per joar krank, zoedat d'r nog 20 daag uver
blieve.
Vuur hant 5 verplichte festdaag per jaor doamit wead ut aantal
wirkbare daag gereduceerd noa 15 daag.
Van die 15 daag geave vuur mit ee royaal gebaar 14 daag vakans.
Zodoende bliet nog mar inne daag uver um te wirke en oetgerekend
dea inne daag wils doe verlof han?

Ich gleuf ut dich bow!!!

Kirkenujs

De mes van 10 oer wead verschove noa 12 oer.

De mes van 12 oer kunt te vervalle.

Ee bestuurslid van d'r voetbalcloep noa inne verlore wedstrijd tegen Passart: "Doe kans beter bestuurslid van d'r doevekloep zie, want went die ut schlecht dont, kansste ze tenminste nog d'r nak umdriene."



"Ut wead werrum lente" zeet ut Marie teage zienne maan.

"Wiesoe dat?"

"Ja d'r buurman hat de sneijschup teruukgebracht en d'r grasmienner geliend".

"Heij Ben, doch mig 17 beer".

"Woarum 17?"

"Ja, doa steet onger de 16 ging alcoholische dranke".

Toen ich um ing bijdrage vroog vuur ut bejaardenhoes, stuurde he mich, zieng schoenmam.

Conducteur, motte vuur vur de kinger och betale in d'r trein?
Onger de veer nit mevrouw, zeat hea.
Oh gelukkig, ich han d'r mar dreij.

D'r meester vruugt an der Yuri op schoel:

Wat is ee roodborstje?

Dat is ing mujs mit hoege bloeddruk meester" zeat d'r Yuri

Lupt der Paul mit inne beambte collega durch d'r Wormdalweg.
Opins treent d'r Paul ing slak doed. Waorum deeste dat vruugt d'r collega.

Ja zeat d'r Paul die lupt mich al twieë oer vuur de veut.

Programma 6e Brokkelzer Herresitsung

Zoaterdig 22 jannuaar - Aavank: 17.00 oer - Zaal oape: 16.00 oer
Intree vuurverkoop € 17.00 - Dagkassa € 18,50

Ut wirke mit: **Orkest Wesley Sound**

De Möpkes

Angelina

Cristel Dancers

Limburgse André Hazes

Oam Zat

Tulpen Heini


Wielke Vincken

Frans Croonenberg


Anita de Hoop

mit bezeuk Elveroad en Prins cv de Wespelle

Ut nudige oet: ***Finy en Ben, gemeenschapshoes D'r Eck***




Sjef Lubin
Good en Zilversjmid




*Vuur ut ontwerpe
en make of reparere
van al uuch seerroade*

*Palenbergerweg 3
6374 LS Landgraaf*

*Tel.: 045-5690768
Fax: 045-5690775*



Vuur al uuch leavensmiddele,
vleesjware en wat me wieér nog
nudig hat, kant ier teread bei



Ton Eijgelshoven
d'r dörpswinkeleer va Brokkelze

Rinckberg 13-15, 6374 LP Landgraaf, 045-5322466

Schoonmaakbedrijf
Wilma en Ralf Scholly

Palenbergerweg 7
6374 LS Landgraaf
06-22280172



Verwijderen van alle (gevaarlijke) bomen;
Verkoop houtsnippers voor tuin/manege etc.

**Brugstraat 8
6374 LV Landgraaf
Telefoon 06-51047695**

Joko

Producties vof

Organisatiebureau



De juiste partner voor al uw evenementen

BEDRIJFSFEESTEN, BRADERIEËN, KUNSTFESTIVALS, ARTIESTEN

Sjef Konings
Rinckberg 30, 6374 LR Landgraaf
tel: 045-5327577 - fax: 045-5311761 - gsm: 06-1136 5515
e-mail: j.c.konings@home.nl



Café - Zaal

D'r Eck Rimbburg

*Voor een gezellige avond
en al uw feesten*

Ben en Finy van der List

Brugstraat 16
6374 LV Landgraaf
tel./fax 045-5321135

email: d.reck@home.nl

<http://groups.msn.com/cafezaaldreckrimburg>



Postco Mail Center

Tel. 045.5690490

Fax 045.5690489

Gsm. 06.21533756

E-mail: postco@wxs.nl

